



THEISIS I.

Uemadmodum absoluta consensio tota est in rei producione & perfectione: sic consensio, quæ dicitur modo quodam, est in inhæsione, adhæsione & occupatione: cuius consensionis argumenta dicuntur subjectum & adjunctum.

II.

Subjectum est, cui aliquid adjungitur: hoc est, præter essentiam causis suis constitutam accedit, suo adjuncto perpetuo correlatum. Si enim à subjecto removentur adjuncta, sive id fiat te ipsa, sive cogitatione: Jam non amplius subjectum, sed essentia dicetur. Huic verò si quid præter essentiam amplius accesserit, jam non essentia, sed subjectum dicetur.

III.

Subjectum Græcis dicitur *τοκείμενον*, & plerumque accipitur pro antecedente parte axiomatis, ut albedo est color. Nos autem hīc intelligimus terminum simplicem, cui aliquid adjungitur. Ciceroni dicitur materia in qua & circa quam.

IV.

Magna etiam hīc cognatio est inter Logicam & Grammaticam. Subjectum enim per nomen substantivum, adjunctum verò per adjectivum exprimitur, ut arbor procera; ubi arbor subjecti, procera adjuncti vicem sustinet.

V.

Subjectum dividitur in Recipiens & Occupans.

VI.

Recipiens est, quod adjunctum recipit: Estque vel πρῶτον: & diciatur πρῶτον θετικὸν: vel est δεύτερον: ut superficies est τοκείμενον πρῶτον θετικὸν coloris. Corpus verò est δεύτερον, quia color inhæret corpori per superficiem. Homō est δεύτερον θετικὸν scientiæ, anima verò est πρῶτον, quia per animam scientia homini inhæret.

VII.

Porrò hoc θετικὸν recipit vel in se, vel ad se. Illud καὶ ἐξοχὴν dicitur

*Sixtus*, &c solet appellari subjectum denominationis, item subjectum informationis & inherenteria. Sic scientia inest animæ, morbus & bona valetudo corpori. Hinc axioma: Negato subjecto, negantur omnia subjecti hujus accidentia: ut, Purgatorium non est: Ergo neque est calidum, neque frigidum.

VIII.

Subjectum recipiens ad se dicitur, cuius adjunctum est externum sive adhaerens, quale est possidens vel circundatum: Sic pertinet gratia Jehovæ ad pios, vindicta ad impios.

IX.

Subjectum recipiens in se, etiam *καταχειρος*: materia in quâ, item species & species subjecta dicitur: ut cùm dicitur, Adjunctum proprium reciprocatur cum specie, itē cum specie subjectâ ponitur & destruitur vicissim: Materia autem propriè ad materiatum refertur, & species ad genus. Materia interim ut subjectum considerari potest: ut, materia est subjectum recipiens in se formam.

X.

Estque aliud immediatum, aliud mediatum.

XI.

Immediatum est, cui primò & immediate adjunctum inest. Sic facultas ridendi inest homini primò. Homo enim est primum subjectum facultatis ridendi, nullo alio subjecto mediante.

XII.

Mediatum est, cui adjunctum inest per aliud: ut, homo est subjectum sensus per animal, quia sensus animali priùs inest, & quidem primò: homini verò inest per animal.

XIII.

Hic observetur canon vulgaris, Philosophis usitatus: Omne secundarium presupponit primarium.

XIV.

Fuit subjectum recipiens; Occupans est, circa quod adjunctum occupatur, aliás dicitur subjecta materia, item materia circa quam. Vulgo Objectum & à Scholasticis aliquando Terminus dicitur: ut cùm dicunt: Fidem justificare respectu termini, non fundamenti; id est, respectu objecti, in quod intuetur, quod est Christus crucifixus.

XV. Estq;

XV.

Estque objectum aliud per se, aliud per accidens. Illud est, circa quod adjunctum per se & suā naturā est occupatum: ut voluntatis objectum est bonum: Intellectus objectum est verum.

XVI.

Estq; vel commune, vel proprium.

XVII.

Commune est, circa quod multa simul versantur & occupantur: ita commune complurium sensuum objectum est magnitudo, motus, quietes, numerus. Hæc enim à compluribus sensibus in communi apprehenduntur & judicantur.

XVIII.

Proprium est, quod uni est determinatum: Sic objectum proprium visus est color, auditus sonus, gustus sapor.

XIX.

Fuit objectum occupans per se: Per accidens est, circa quod adjunctum per accidens versatur. Sensile per accidens Aristoteli dicitur, quod non per se movet sensum, sed eā ratione tantum sentiri dicitur, quā est conjunctum cum eo, quod per se cedit sub sensum.

XX.

Versari autem per accidens circa aliquid dicitur duplī modo.  
1.ex parte objecti: 2.ex parte adjuncti. Ex parte adjuncti fit, quando aliquid versatur circa aliquid, non quā tale, sed quā defectu vel vitio aliquo infectum. Sic voluntas fertur ad malum, non quā voluntas, sed quā inordinata, quemadmodum intellectus ad falsum, non quā intellectus, sed quā errans.

XXI.

Ex parte objecti dicitur aliquid versari circa aliquid per accidens, quando objectum non absolute consideratur, sed ab accidente aliquo, quod ad operationem non pertinet, nominatur. Sic Aristoteles 2.de anim. tex. 65. Objectum visus esse Cleontis filium, quia videbatur, non quā Cleontis filius, sed quā coloratus.

XXII.

Scholastici Doctores etiam distinguunt inter subjectum exterum & internum. Internum vocant, quod adjuncto intrinsecus objectum seu proponitur. Externum, quod extrinsecus; verbi gratiā: Arith-

mēticæ subjectum seu objectum internum est numerus. Externum vero res numerabilis. Dialecticæ subjectum internum est ratio differendi, externum est quodlibet ens.

XXIII.

Est etiam apud Philosophos subjectum, quod dicitur attributionis seu prædicationis, quando adjunctum subjecto non inhæret, neque adhæret, sed ita tribuitur, ut cum subjecto fiat unum συνώνυμον. Exempli gratiâ: In oppositis est regula, quod non possint esse in uno subjecto attributionis, ut: Dialectica non quam potest esse Grammatica, at interim possunt esse in eodem subjecto inhesionis, videlicet in mente meâ.

XXIV.

Fit quoque mentio cuiusdam subjecti, quod adæquatum vocant, quod sese diffundit per totam disciplinam: unde & à Barbaris Totale dicitur, aliâs subjectum genus: ut in Physicâ subjectum adæquatum est corpus naturale seu natura. In Metaphysicâ πᾶν τὸ γόντων.

XXV.

Fuit subjectum: sequitur adjunctum, quod doctrinæ subjectorum respondet, eiique analogum & reciprocum est: Ut ergo subjectum definitur, cui aliquid adjungitur: ita adjunctum ex eâdem relatione definiendum est, cui aliquid subjicitur!

XXVI.

Ex hac definitione apparet, adjunctum sine subjecto nullam posse habere existentiam; quod maximè intelligendum est de rebus, quæ in accidentibus numerantur. Aliâs enim ipsæ sâpè substantia ad locum adjunctorum referuntur. Exempli gratiâ: Canis per se quidem substantia est, sed quatenus alteri subjecto adjungitur, putâ domino suo, adjunctum ejus est.

XXVII.

A Petro Ramo dicitur, adjunctum suo subjecto levius & imbecillius arguere. Idque idèò, quia sâpè multa adjuncta requiruntur ad unum subjectum probandum, ut: Mævius occisus est. Titus autem illi cædem minatus est. Titi gladius fuit in loco necis repertus, testes fide digni Titum cædem facere viderunt. Titus ipse cædem confessus est. Ergo Titus cædem fecit.

XXVIII.

Quamvis autem adjunctum levius sit suo subjecto, est tamen copiosius, tum quia plura adjuncta uni subjecto inesse possunt, tum quia in usu differendi frequentius occurrit,

XXIX.

**X X I X.**

Cum verò tempus sit commune rerum adjunctum, rectè illud à P. Ramo in Logicâ generaliter explicatur.

**X X X.**

Ab aliis adjunctum dicitur adjacens, Græcè ἀργονέμυνος, item συγχέτεσ & συμβέβηκε, conjunctum & accidentis: quamvis accidentis latius pateat quād adjunctum, siquidem subjectum sēpe accidentis est, ut & effectum.

**X X X I.**

Ac ut subjectum suprà fuit distinctum in recipiens & occupans: ita & adjunctum aliud est receptum, aliud occupatum. Receptum est, quod à subjecto recipitur.

**X X X I I.**

Receptum, aliud est inhærens: quod respicit subjectum recipiens in se: aliud adhærens, quod respicit subjectum recipiens ad se.

**X X X I I I.**

Inhærens, aliás vocatur internum: quod in subjecto verè inest, ut labes nativa in homine: Adhærens: vocatur externum, quod subjecto adhæret seu extrinsecus accedit.

**X X X I V.**

Adjunctum autem adhærens conjunctum est subjecto aut contactu, aut relativè: sic justitia Christi imputata adhæret credenti, sed relativè.

**X X X V.**

Estq; vel coëxistens, vel concomitans: Illud est, quod simul cum subjecto existit: Et est vel connexum, vel circumstans.

**X X X VI.**

Connexum est, quod cum resimil fit & accidit: ut extraordinaria Solis obscuratio, & ruptura veli in templo, facta est cum passione Christi.

**X X X VII.**

Circumstans est, quod circa rem est, eiq; adjacet: ut Tempus, arma, vestes, coronæ, circumstant hominem.

**X X X V. III.**

Fuit coëxistens: Concomitans est, quod subjectum quasi concepitatur: Estq; vel antecedens vel consequens.

**XXXIX.**

Antecedens est, quod rem aliquam ordine temporis antecedit, sic ut non sit ejus causa: Sic Baptismus aliquando præcedit regenerationem. Consequens est, quod consequitur ita ut non sit ejus effectus: Sic Baptismus aliquando regenerationem sequitur.

**X L.**

Adjunctum porrò est vel per se, vel per accidens. Hujus distinctionis usus apparet in hoc Canone: Adjuncta quæ alicui per se insunt, aliis tribui non possunt.

**X L I.**

Adjunctum per se est, cuius nexus cum subjecto ita necessarius est, ut soli & omni semper conveniat. Ejusmodi est adjunctum: Essentialia, quod rei essentiam concomitantur: seu cum rei essentiâ connexum est, Gocl.instit.Log.lib.I.c.8.

**X L I I.**

Adjunctum per accidens est, cuius nexus cum subjecto accidentarius est, cum illarum conditionum una saltem deest.

**X L I I I.**

Estq; commune vel proprium.

**X L I V.**

Commune à P. Ramo communis circumstantia dicitur, & est quod multis subjectis simul competit; Quod etiam pertinet accidens prædicabile.

**X L V.**

Hoc autem commune adjunctum est vel *χωριστόν*, separabile: quod re ipsa separari potest à subjecto: ut timiditas ab homine: vel *άχωριστον*, inseparabile: quod re ipsa à subjecto tolli non potest, si naturalem cursum spectes: ut, nigredo à corvo, albedo à cygno: Quamvis omnia adjuncta *δινοίσα* separabilia sunt.

**X L VI.**

Proprium adjunctum est, quod uni & soli subjecto competit, nec unquam subjecti essentiam egreditur; cumq; ita *άμετως* in forma manet, dicitur *ιδον απέντερον*, quod subjecto est *γέθλε τρώτων*, id est, universalis subjecto primò inest, non *διάλλε*. Dicitur alias interna & essentialis proprietas, item ens in secundo momento; quia essentiæ constitutionem immediatè & veluti in secundo momento sequitur, Unde etiam Græcis

Græcis rectius ἐπεστιῶσι; quām εἰσιῶσι; dicitur, utpote quod ad essentiæ constitutionem quidem nihil confert, sed eam consequitur vel potius comitatur: ut, facultas loquendi in homine, latrandi in cane, ululandi in lupo. Cave autem hoc in loco effecta cum facultate confundas; cūm aliud sit loqui, aliud posse loqui.

X L V I I.

Ad locum adjunctorum plerunq; referuntur signa. Est autem signum ens sensile cognoscenti signatum significans. Signorum alia sunt necessaria, & dicuntur τεκμηρία: alia probabilia, & dicuntur ἐπόπται: ut,  
*Conscius est sceleris, qui conticet atq; rubescit.*

X L V I I I.

Dicimus plerunq;, quia signa non sunt unius loci argumenta: modò enim sunt causæ: ut cor vulneratum est signum instantis mortis; modò effecta, ut lux diurna est signum ortus Solis.

X L I X.

Sic fuit adjunctum receptum. Occupatum est quod circa aliquod objectum occupatur. Sic visus circa colorem, auditus circa sonum occupantur. Pii in lege Dei, Psal. i. Invidi in lædendâ alterius famâ; sensus in recipiendis sensibilibus occupantur. Hic notetur axioma: Cui tribuitur vel adimitur res circa objectum proprium & ad æquatum occupata, & ipsum subiectum tribuitur vel adimitur: ut, Christus à piis adoratur, Ergo est Deus. In Spiritum sanctum tenemur credere; Ergo Spiritus sanctus est Deus.

L.

Atque hæc sunt ea quæ de subiecto & adjuncto proponere volui-  
mus: licet plura de eo dici & quæri potuissent. Det Deus Opt. Max. ut ea  
ad divini ipsius nominis gloriam, & multorum utilitatem vergant.

ERUDITIONE ET PIETATE PRÆSTANTI  
JUVENI, JODOCO BEUMGENIO, PHILOSO-  
PHIÆ STUDIOSO, CONTUBERNALI AC AMICO SUO UT FA-  
MILLATISSIMO ITA CARISSIMO.

**A**γαπητοῖς δορίσιοις μερόπαιοι μέγιστην ὄντες,  
Καὶ τὸν εὐζήτεν ἀκμῆναν ἔχει.

\*Ανδρώποιο νῦν, πρωτοπλάσιοι γοῦν Θ-

Πτόματοι ἐφθαρθεὶς τῷ διὰ φυχοφθίρι.

Φρεσοὺς ἀφανίσας διδαχὴν δέγε φίγοι Θ ὅπερ;

\*Ἐις ἐκζωπυρίεν ἐνθόδιοι σφύτει.

Πύκηδιον τῆς λογικῆς πέλεται πεδάσματα θείας,

\*Ἐργα τοφικομέγνων αργα ἐλεγχόμενα.

Οὐδὲν ἀπέρ λογικῆς διδαχῆς λέγετε γεάφυτε,

\*Ἐμμεθόδως ἀγαῖης ὁρθοπομεῖν τε γραφεῖ.

Ταύτης ἐν ἀκριβεῖς μαθέειν σὺ φιλαίτα! 1858.

Οὐδεὶς ποιήτης βέλτερος έστι σών Θ.

\*Ως καὶ Ράμω έισι λογικῶν ἀνταξιΘ ἀγαῖοι,

Τοῖοι οὖν διεδρικά τάνομα καλὸν ἔχουν.

Καρποφόρω Ράμω πλεύποτεν ἀπαντα λυκεια,

Τεττα μητῆρις Δένδριον ἴδε ἀει.

Δένδριον εἰς καὶ Δένδρον έστι ξινὴ πατμηδέοντος

\*Ος μόνω οὐλογές τὸν κόπον ιμέτερον.

L. M. Q. appositus

Matthias Schefferus Flammersbacensis Nassio-  
vius, S. S. Theologæ studiosus.

Αλινδ ad eundem.

JODOCUS BEUMGENNIUS  
Mandersbacensis Nassovicus.

per avāgāmīa.

Or' age vince:

Sic nosces musas: nomen das nubibus undis.

EXPLICATIO.

E X P L I C A T I O.

**L**Atius haud decuit nostri referare palati  
 Ostia; nec decuit tibi dicere plura Jodoce.  
**O**re age vince ergo confisus, & obice scuti  
**A**dversas acies perrumpito, frangito technas.  
**F**ulmina vibratis oppone minantia telis.  
**N**ec paritor dextrum turbet cornu sine sinistrum  
**H**ostis, sed contra trepidos fidentior esto:  
**N**ec turbet seriens utrumq; dilemnia bicorne  
**P**ectora, nec Darii fortis te serreat, immo  
**S**i sic fata velint, opponito forte Camestres,  
**A**gmina nodosi Ferio confringe, resolve  
**C**aesare; Sic noscet Musas, Heliconis & arva  
**S**ic noscet, quondam sic cinget tempora Daphnis.  
**Q**uare age Beumgeni, quo dicit alacriter ito  
**T**rimes, (crede mihi) Nomen das nubibus uidis.  
**F**ama & ad antipodas veniet gelidosq; triones:  
**H**esperii sies, sies & notus Eois.

---

*Aliud ejusdem.*

LOGOGRYPHUS EX NOMINE

JODOCI ELABORATUS.

|   |               |
|---|---------------|
| <b>U</b> ltima cum media tollatur syllaba, signat | <b>J</b> O    |
| Gaudia: si findas, spheraq; trabsq; manet.        | <b>O</b> I    |
| Affirmat, numerat, fulcit, trabs longa: rotunda   | <b>I</b>      |
| Sphera negat, lucet, sepeq; mira refert.          | <b>O</b>      |
| Adde pedes fronti: cum fratre Cupidine junctus    | <b>JOCUS</b>  |
| Est Veneris soboles, & comitatur eam.             |               |
| Tolle trabem, savum Neptuni appone tridentem      | <b>MODUS</b>  |
| Sphera m & dimidi am tollite; magna vides.        |               |
| Frontem denie, pedi median prapone crucemq;       | <b>DOCTUS</b> |
| Disputat egregie, notus is estq; Deis.            |               |

Apposuit L. M. Q.

Johannes Godefridus Pampo. La-  
nomontanus Nassovicus.

F I N I S.



E PRIN  
IO, PHIL  
eo suo et  
no.  
G  
G-12  
Hesperia

L Ati  
Ost  
Ore ag  
Adversa  
Fulmin  
Nec pat  
Hostis, j  
Nectur  
Pectora  
Si sic fa  
Agnina  
Cælare  
Sic nosc  
Quare a  
Trames  
Fama C  
Hesperia

## LOGO

J  
U Ltim  
G  
Affirmat  
Sphar  
Addē pe  
Est V  
Tolle tra  
Sphar  
Frontem  
Dipu




Image Engineering Scan Reference Chart T263 Serial No.

Patch Reference numbers on UTT

the scale towards document

O  
I  
O C U S  
O D U S  
O C T U S  
tempo La-  
vicus.